

Fasnacht 2024

Blagèèri



e VSG Bangg

Nach de Wahle ischs jetzt esoo
D'SVP zaigt wos dure soll goo
in Basel jo do hörsch e Klaage
Mir Männer hän so z'saage nyt me z'saage

Bi neye Sache machsch's am beschte esoo
Muesch se teschte sunsch kasch Mischt bikoo
Klimaklääber dien gründlig teschte
Drum wisse die UHU kläbt am beschte

Duet e Schwiizer mit Rastalogge Reggae singe
Ka das Guetmensch uff Palme bringe
Die glyyche Type dien iisig schwiige
Spielt e Japaner Mozart uff ere Gyyge

Es git Glaube dä isch Orthodox
Die katolisch Kirche isch aber paradox
Ich gwönn mi nie dra und finds no glunge
«Ihr Kinderlein kommet» vomene Pfarrer gsunge

d Dreiroseaalag isch voll Drooge und Puff
Drum stellt d'Polizei so Kameras uff
Mit so Film kasch dr Sunntigoobe fülle
Denn muess Schwiizer TV kai Tatort me drülle

Pappi / Mammi als Name sells bald nimmi gää
Das kennti de Goofe s soziale Verständnis nää
Die neu Bezaichnig duet mir gruuse
S' haissi Elteretail mit Sagg oder Buuse

D'Greta isch letschti uf Basel koo
Glyygglikerwiis hett sie Basel wieder verloo
E Urtail yber dä Bsuech liegt mir färn
Doch so Klimaaggtiwischte raise no gärn

Im Wallis risst e Wolf ,Schööfli e ganzi schwetti
Z' Italie verwäggselt e Bär Wanderer mit Spaghetti
Kormorane fische dr Bodensee leer
Bim FC Basel ligt s'Erb vomene Vogel schwer

Me hörts in Basel, Bettige und au z'Rieche
Mir hänn wider e Bundesroot mir Sibesieche
Wie är sich macht sehn mir im nägschte Joor
Drum kunnt dr Jans in kaim Värslü voor

Wottsch au by uns bänggle?

Uff www.vsg-basel.ch erfahrsch meh!

